

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-1170-2/17 od 14.03.2017.godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-2587-Odluka o izboru/19 od 16.04.2019.godine, kojom je prihvaćena Ponuda ponuđača „Librag“ d.o.o. Sarajevo, kao najpovoljnija i kojom se ponuđaču „Librag“ d.o.o. Sarajevo dodjeljuje Okvirni sporazum za nabavku usluge PRANJA I PEGLANJA RADNE ODJEĆE za potrebe J.U. Zavoda za javno zdravstvo Kantona Sarajevo, zaključuje se sljedeći:

OKVIRNI SPORAZUM O PRUŽANJU USLUGA PRANJA I PEGLANJA RADNE ODJEĆE

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Prof.dr.med.sci. Aida Pilav, direktor (u daljem tekstu: Naručilac)

i

„LIBRAG“ d.o.o. SARAJEVO, ulica Sagrdžije br.73, identifikacioni broj: 4200299860004, koga zastupa Jasminka Karahasanović građing., direktor, (u daljem tekstu: Izvršilac), zaključili su:

Član 1.

Ovim Okvirnim sporazumom utvrđuje se način i uslovi pod kojima "Librag" d.o.o. (Izvršilac) Sarajevo, izvršava usluge sukcesivnog pranja i peglanja radne odjeće za potrebe Zavoda, sve prema Ponudi Izvršioca, broj: LB - 061/19 od 15.04.2019. godine.

Član 2.

Predmet ovog Okvirnog sporazuma je vršenje usluga sukcesivnog pranja i peglanja radne odjeće za potrebe Naručioca (u daljem tekstu: usluge), a prema cijenama koje je Izvršilac usluga ponudio u Obrascu za cijenu ponude (Anex III).

Izvršilac se obavezuje da cijene navedene u specifikacijama neće mijenjati u period od jedne godine od dana zaključivanja Okvirnog sporazuma.

Usluge iz ovog Okvirnog sporazuma Naručilac nabavlja za obavljanje svoje djelatnosti.

Član 3.

Plaćanje usluga vrši se po fakturi Izvršioca, nakon isporuke usluga.

Ugovorni organ se obavezuje platiti Izvršiocu ugovorenu cijenu, u roku od 30 (trideset) dana od dana dobijanja fakture od strane Izvršioca.

U obim usluga iz člana 2. ovog Okvirnog sporazuma podrazumijevaju se usluge po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

Ukupna vrijednos ovog Okvirnog sporazuma iznosi 9.044,95 KM bez PDV-a.

Član 4.

Izvršilac se obavezuje da usluge iz člana 2. ovog Okvirnog sporazuma izvršiti u roku koje utvrdi Ugovorni organ.

Izvršilac se obavezuje, u roku od 24 sata, pismeno obavijestiti Naručioca u slučaju da nije u mogućnosti ispoštovati rok iz prethodnog stava.

Član 5.

Izvršilac se obavezuje Naručiocu preuzimati i dostavljati radnu odjeću na jednu od sljedećih adresa, a koje odredi naknadno ugovorni organ:

- Prostorije J.U. Zavoda za javno zdravstvo Kantona Sarajevo - ul. Dr. Mustafe Pintola 1/III;
- Prostorije Zavoda u ulici Avdage Šahinagića br. 10;
- Prostorije Zavoda u ulici Vrazova br. 11.

Izvršilac snosi odgovornost u slučaju gubitka preuzete radne odjeće te se obavezuje da Ugovornom organu nadoknadi prouzrokovanu štetu.

Član 6.

Ugovorne strane mogu otkazati ovaj Okvirni sporazum pismenim putem.

Okvirni sporazum se smatra otkazanim u roku od 30 dana od dana prijema pismenog Obavještenja o otkazu sporazuma.

Član 7.

Ugovorni organ će na osnovu ovog sporazuma sklapati pojedinačne ugovore o javnoj nabavci, do visine ukupne vrijednosti ovog Okvirnog sporazuma.

Član 8.

Svaka promjena ugovornih odredbi povlači za sobom sačinjavanje posebnog Aneksa ugovora. Do potpisivanja Aneksa Okvirnog sporazuma obustavlja se izvršenje ugovornih obaveza.

Član 9.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.


Član 10.

Okvirni sporazum je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 11.

Ovaj Okvirni sporazum smatra se zaključenim danom potpisivanja Ugovornih strana, a primjenjuje se u periodu od najduže jedne godine od dana zaključenja Okvirnog sporazuma ili do isteka otkaznog roka iz člana 6. ovog Okvirnog sporazuma.

„LIBRAG“ d.o.o.
SARAJEVO
DIREKTOR



(Jasminka Karahasanović građ.ing)
Broj: LB-074 /19
Sarajevo, .godine

JU ZAVOD ZA JAVNO ZDRAVSTVO
KANTONA SARAJEVO
DIREKTORICA



(Prof.dr.med.sci. Aida Pilav)
Broj: 05.12.100-2587 –Okvirni sporazum /19
Sarajevo, 30.04.2019. godine.